



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA PROGRAM AKTIVNOSTI ZA DAN
OBILJEŽAVANJA SJEĆANJA NA ŽRTVE ZLOČINA PROTIV ČOVJEČNOSTI U
PRIJEDORU I NJEGOVOJ OKOLINI

Sarajevo, mart 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), člana 3. stav (2) Odluke o obilježavanju Dana sjećanja na žrtve zločina protiv čovječnosti u Prijedoru i njegovoj okolini („Službene novine Kantona Sarajevo“, broj 50/22), Gradsko vijeće Grada Sarajeva, na 38. sjednici održanoj dana 27.03.2024. godine, donijelo je

ODLUKU

O DAVANJU SAGLASNOSTI NA PROGRAM AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA PROTIV ČOVJEČNOSTI U PRIJEDORU I NJEGOVOJ OKOLINI ZA 2024. GODINU

Član 1.

(Davanje saglasnosti)

Ovom odlukom daje se saglasnost na Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za 2024. godinu (u daljnjem tekstu: Program), utvrđen od gradonačelnice Grada Sarajeva.

Član 2.

(Davanje ovlaštenja)

Ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preduzima sve ostale aktivnosti potrebne za uspješnu realizaciju Programa.

Član 3.

(Sastavni dio Odluke)

Sastavni dio ove odluke je Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za 2024. godinu.

Član 4.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović, s.r.

Broj: 01-GV-02-486/24
Sarajevo, 27.03.2024. godine





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*PROGRAM
AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA
PROTIV ČOVJEČNOSTI U PRIJEDORU I NJEGOVOJ OKOLINI
ZA 2024. GODINU*

Sarajevo, mart 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 3. stav (2) Odluke o obilježavanju Dana sjećanja na žrtve zločina protiv čovječnosti u Prijedoru i njegovoj okolini („Službene novine Kantona Sarajevo“, broj 50/22), utvrđujem:

**PROGRAM
AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA
PROTIV ČOVJEČNOSTI U PRIJEDORU I NJEGOVOJ OKOLINI
ZA 2024. GODINU**

I UVOD

Odlukom o obilježavanju Dana sjećanja na žrtve zločina protiv čovječnosti u Prijedoru i njegovoj okolini za 2024. godinu („Službene novine Kantona Sarajevo“, broj 50/22) propisano je da konačni Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za 2024. godinu utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za narednu godinu. U izradi Programa aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini konsultovan je i Savjet gradonačelnice za Informativni centar Sarajevo (u daljnjem tekstu: Informativni centar Sarajevo). Uzimajući u obzir nadležnost Savjeta, utvrđenu potpisanim Memorandumom o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo („Službene novine Kantona Sarajevo“, broj 50/16), kao i njegov sastav, u Programu su uvažene sugestije Savjeta.

II RASPORED I OPIS AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA PROTIV ČOVJEČNOSTI U PRIJEDORU I NJEGOVOJ OKOLINI ZA 2024. GODINU

Naziv aktivnosti: Međunarodna konferencija „*Ratni zločini u Prijedoru i njegovoj okolini učenje iz prošlosti – poruke za budućnost*“

Lokacija: Vijećnica Sarajevo

Vremenski okvir: 31.05.2024. godine

Satnica: naknadno

Učesnici aktivnosti: delegacije Grada Sarajeva, akademska zajednica, visoka delegacija Mehanizma za međunarodne krivične sudove u Hagu, ratni dopisnici, relevantna udruženja, diplomatska predstavništva, predstavnici različitih nivoa vlasti u BiH, studenti, istraživači.

Obrazloženje: Prijedor za MKSJ ima poseban značaj. U mnogo pogleda, ratni zločini u Prijedoru doprinijeli su uspostavljanje ad hoc Međunarodnog krivičnog suda za bivšu Jugoslaviju i upravo tu leže korijeni međunarodnog suda. Međunarodna konferencija „Ratni zločini u Prijedoru i njegovoj okolini učenje iz prošlosti – poruke za budućnost“ obuhvatila bi 3 panela. Uvodna izlaganja otvorili bi član Predsjedništva BiH, gradonačelnica Grada Sarajeva, predsjednici Mehanizma za međunarodne krivične sudove: trenutna predsjednica MRMKS-a, bivši predsjednici Mehanizma za međunarodne krivične sudove-sudije, v.d. predsjednica suda BiH.

I panel obuhvatio bi tužitelje MKSJ-a koji su radili na rasvjetljivanju dokaza i prikupljanju činjenica kako bi se dokazali prvi zatočenički logori koji su formirani u Prijedoru i o ratnim zločinima koji su počinjeni u i oko Prijedora. Tužioci bi koristili demografske snimke, iskaze, video materijale kako bi prezentirali historiju odvijanja ratnih zločina kroz činjenice, ali i ukazali na strahote zločina u Prijedoru.

II Panel obuhvatao bi ratne dopisnike i svjedoke. Ratni dopisnici govorili bi o njihovim iskustvima, strahovima, percepciji događaja i logora koje su zatekli. Preživjeli svjedoci prisjećali bi se perioda rata, ali i sa porukama za budućnost. Preživjeli svjedoci su i povratnici, tako da mogu podijeliti iskustva kako je danas poslije toliko vremena živjeti u Prijedoru. Svjedoci i dopisnici dobit će priliku razgovarati o svojim iskustvima tokom rata, ali i iskustvima današnjice.

III panel obuhvatać će mlade ljude koji zajedno sa gradonačelnicom diskutuju o budućnosti, o njihovom poimanju rata, kako se oni danas osjećaju kao nosioci generacija nakon rata, koliko znaju o ratnim zločinima u Prijedoru? Jesu li nekada razgovarali sa svojim vršnjacima čiji su roditelji bili u ratu u Prijedoru? Šta za mlade ljude predstavlja Dan bijelih traka? Danas smo svjedoci ratova u svijetu? Koja je poruka mladih ljudi koju šalju u svijet? Mladi ljudi su ambasadori mira? Konferencija se realizira u partnerstvu Grada Sarajeva, odnosno Informativnog centra Sarajevo, Udruženja „Pravnik“, asocijacije „Bosna“, Mehanizma za međunarodne krivične sudove u Hagu, OSCE-a, UNDP-a, JP Sarajevo i Mess.

Naziv aktivnosti: Izložba fotografija „*Između straha i nade*“ autora Fabrice Dekoninck

Lokacija: Vijećnica Sarajevo

Vremenski okvir: 31.05.2024. godine

Satnica: naknadno

Učesnici aktivnosti: delegacije Grada Sarajeva, akademska zajednica, delegacija Mehanizma za međunarodne krivične sudove u Hagu, relevantna udruženja, diplomatska predstavništva, predstavnici različitih nivoa vlasti u BiH, studenti, istraživači.

Obrazloženje: Projekt uključuje fotografsku izložbu umjetnika fotografa Fabrice Dekoninck koji je nakon rata boravio u Bosni i Hercegovini gdje je sa brojnim svjedocima izgradio povjerenje. Širom Evrope je, također, sreo nekoliko stranih svjedoka (vojnike UN-a, istražitelje MKSJ, pisce i novinare) koji su bili prisutni u Bosni tokom rata. Izložba fotografija „*Između strahova i nade*“ predstavlja spoj crno-bijelih i slika u boji, zabilježene okom filmske kamere (35mm i srednjeg formata) oslikavajući scenske portrete i reportažne slike na mjestima na kojima su se događaji odvijali. Ova izložba je već bila otvarana u auli Vijećnice, međutim radi velikog interesa, a uzevši u obzir da je Fabrice Dekoninck jedan od panelista konferencije, izložba će ponovo zauzeti mjesto u programu obilježavanja.

III REALIZACIJA PROGRAMA I LOGISTIKA

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarne aktivnosti, provođenje potrebnih nabavki i slično. Organizacioni odbor bit će ovlašten i da izvrši dodatno preciziranje lokacija, satnica, učesnika i zvanica.

Odsjek za informiranje (Press služba) Grada komunicirat će s medijima i sačinjavati saopćenja i medijske najave.

Sve potrebne nabavke za realizaciju cjelokupnog Programa provodit će se u skladu sa važećim propisima.

IV FINANSIJSKA SREDSTVA

Za potrebe realizacije Programa potrebno je u Budžetu Grada Sarajeva za 2024. godinu planirati 9.000,00 KM. Grad će tražiti i dodatnu finansijsku podršku općina u sastavu Grada i ostalih nivoa vlasti u BiH, kao i podršku nevladinih organizacija u BiH.

GRADONAČELNICA

Prof. dr. Benjamina Karić, s.r.